

# INUIT ATAQATIGIIT INATSIARTUNI



UPA2022/030

17. maj 2022

Agathe Fontain

**Inatsisartut suleriasianni § 36 naapertorlugu apeqqu-teqaat  
aallaavigalugu oqallisissiaq imaattoq matumuuna saqqummiuppara:  
Qanoq iliorluni illoqarfigisaq qimallugu erniartortatut ilaquataalu  
pitsaanerpaamik sullinneqarsinnaanersut pillugit apeqqu-teqaat  
aallaavigalugu oqallisissiaq.**

(Inatsisartunut Ilaasortaq Mikivusuk Thomassen, Inuit Ataqatigiit)

Oqallisissiamut pingaarutilimmut saqqummiussaqaamat Mikivusuk Thomassen,  
Inuit Ataqatigiit, qutsavigaarput.

Siullermik ernisarfiit eqiteruttariaqarnerata peqqutaa aallanerfigilaarutsigu. FN-  
p Cedaw aqqu-tigalugu apeqqu-sersimavaa, sooq Nunatsinni inoorlaat,  
meeraaqqallu taamak amerlatiginersut toqusarnersut,  
iliuuseqarfigineqarnissaanillu Nunarput innersuussiffigineqarsimalluni.

Taassuma kinguneraa Nunatta peqqinnissarfiata aqutsisoqarfia 2002-mi,  
Ernisarneq pillugu maleruaqqusissummik sananera.

Maleruaqqussummi, erninerup nalaani nalaani pinartoqalissagaluarp  
ilinniarsimassutsit assigiinngitsut erniffiusussami pigineqarnissaanik  
innersuusivoq ukuusunik. Nakorsaq pilaasinnaasoq, Sinititsisinnaasoq,  
aaviisinnaasoq, Juumooq.

Tassani anguniarneqarluni, isumannaallisaaneq qaffassissoq, anaanaq meerarlu,  
ernisunnerup nalaani pisariaqalissagaluarp, pilatsilluni ernisinnissaa  
pisinnaaqqullugu.

# INUIT ATAQATIGIIT INATSISARTUNI



Erninermi 2002-mi malitassat atuutilernerata kinguneraa, erninermi, naalungiarsuillu toqusarnerat apparujuartoq.

Nunani avannarlerni, Europamilumi, pissutsit allanngoriartorput sukkasuumik. Meraagallaratta nalunngisagut, nakorsat sumilluuniit suliaqarsinnaasut ikiliartorput. Nakorsat , Peqqissasullumi ilinniarnert , immikkut ilinniakkatigut sammisaqarfigigaluttuinnarnert kinguneraa, aamma Nunatsinni immikkut iliniagalinnik amigaateqaleriartorneq. Jummuutut atorfiit inuttassarsiorneqartut qinnuteqarfigineqanngitsoortalerput, nakorsat amigaataanerisa saniatigut, takkotalerput, nakorsat pilaasinnaangitsut, immikkut pilaanissamik ilinniarsimannginnamik. Peqqissaasut sinititsisartut amigaataalerput. Peqqutaasullu ilagaat, immikkut ilisimasalittut paasussineq, inunnik amerlasuunik passussinissamik piumasaqarnera, nunatsinni illoqarfimmi angisuujungitsumiikkaani innuttaasut paasutassat ikipallaarneri.

Naak iliniartitsinerit assignngistut amigaateqartarneq qaangerniarlugu iliuuseqarfigineqaraluartut.

Pissutsit tunngaviusut eqqaareerlugit, najugaq qimallugu erniartortut atugaasa kinguneri eqqaassavakka.

Kinaluuniit najukkani, aappani, qitornani allat, ilaquuttallu qimallugit erniartortumut ilungersunartuusoq, ilisimavarput. Misigissutsikkut sanngiiffimmiilluni sivissumik qulaani taaneqartut qimannissaaat artornartuuvoq, aama peqqinnanngilaq. Erqarsaatikkut, illoqarfimmi allamiilluni, erninissaq utaqqinnarlugu susaqarani ilungerunartuuvoq. Naarmiup avatangiisia allanngorpoq, nipit ilisarimasat peerput, amerlassunilu ataataq nipaa maqaasisanut ilaavoq.

Qanittukku Katuami isumasioqatigiinnermi ersersinneqarpoq, najugaq qimallugu erniartortarnerup ilungersunartortai, qanoq annertituigisut. Inoorlaap ataatani

# INUIT ATAQATIGIIT INATSIARTUNI



pisariaqartilluinnarpaa, erniunerminiit attaveqarfigisallgu, soorunalumi aamma ernisup aappani ilaquutailu pisariaqartilluinnarpai. Ilaqutariittut erniunermit ataqatigginissaq tunnagviliisarmat, ingerlalluarnissamullu aqqutaalluni. Tassalu erniartornermi tamakku tamarmik pinngitsoortarput.

Eqqaangitsoorsinnaangilaralu, naartunerup nalaani jummuumiit takuneqartarnissap qanoq pingaartuteqartiginera, juummoq peqatigalugu erninissamut piareersatarnissaq, ilisarisimaqatigiilluni.

Juumuut namminneq oqaatigimmassuk, naartuup juumuumik naartunerup nalaani attavigilluarneratigut, ernininermi ajornartorsiorsinnaanerit pinngitsoortinneqarsinnaasut.

Illuatungaanilu, erninerup nalaani ajortoqaleraluarpat, iliniarsimassutikkut immikkut ilisimasallit aamma pinngitsoorneqartuaannarsinnaanngillat, tamanna nassuerutigisariaqarparput.

Siunissamilu erniartortarnerup nalilersuiffiginissaat, susassaqtut tamaasa peqatigalugit pisariaqarluinnarpoq. Peqquteqarmammi allatut ajornartumik naartuut ilaat imikkut ilinniarsimasunik passuneqartariaqartarmata, anaanaq meerarlu isumanaatsumik passunneqassappata.